

## ORDENANZA REGULADORA DA PRESTACIÓN DO SERVIZO GALEGO DE APOIO Á MOBILIDADE PERSOAL PARA PERSOAS CON DISCAPACIDADE E/OU DEPENDENTES.

### **XUSTIFICACIÓN**

O Estatuto de Autonomía de Galicia, no seu artigo 4.2º, encomenda aos poderes públicos de Galicia a obriga de promover as condicións para a liberdade e a igualdade do individuo e dos grupos en que se integran sexan reais e efectivas, debendo remover os atrancos que impidan ou dificulten a súa plenitude e facilitando a participación de todos os galegos e galegas na vida económica, cultural e social.

A Lei 4/1993, do 14 de abril, inclúe, no seu artigo 5.3º, entre as súas áreas de actuación, as dirixidas ás minusvalideces, á velez e a súa comunidade en xeral, ademais de establecer, no seu artigo 13, como programas propios de servizos sociais de atención especializada na área de atención das minusvalideces, entre outros a supresión de barreiras arquitectónicas, urbanísticas e de transporte, ademais das axudas técnicas e cantos outros sexan favorecedores das súa autonomía persoal e integración social.

O decreto 195/2007, do 13 de setembro regula o Servizo Galego de Apoio a Mobilidade persoal para persoas con discapacidade e/ou dependentes polo que o servizo de Transporte Adaptado existente ata o de agora no Concello de Arteixo, deberá de adaptarse progresivamente a este regulamento polo que se procede a modificala ordenanza existente dende a posta en marcha deste servizo en xullo do ano 2000.

### **Artigo 1.- OBXECTO**

O obxecto deste Regulamento é estipular-lo uso e utilización do servizo, a definición da súa natureza e características, así como a determinación dos requisitos e do procedemento que permitan o acceso ao seu uso.

O servizo terá a consideración de servizo público de carácter social de axuda ao desprazamento programado e non urxente das persoas que reúnan os requisitos esixidos para a utilización do mesmo.

### **Artigo 2.-OBXECTIVO XERAL DO PROGRAMA**

O establecemento deste servizo ten como obxectivo xeral o de normalizar as condicións de vida, favorecer a autonomía persoal e facilitar a integración social das persoas usuarias.

### **Artigo 3.-OBXECTIVOS ESPECÍFICOS**

- Poñer a disposición das persoas con discapacidade e/ou dependentes que teñan dificultades de mobilidade os medios axeitados ás súas necesidades contribuindo á autonomía persoal.
- Garantir o acceso, en condicións de igualdade efectiva, das persoas con discapacidade e/ou dependentes aos servizos esenciais, favorecendo así a súa comunicación e participación no seu entorno habitual,

- Dispoñer de recursos para a normalización da realización das actividades instrumentais e básicas da vida diaria por parte das persoas do colectivo de referencia.

#### **Artigo 4.- DESCRICIÓN**

As necesidades das persoas usuarias cubriranse de acordo coa seguinte orde de prioridades:

- a) Acudir a consultas ou tratamentos sanitarios do sistema público e concertado ou das mutualidades de funcionarios públicos cando o desprazamento non sexa competencia do sistema sanitario.
- b) Trasládase a centros ou equipamentos do sistema de servizos sociais como residencias, centros de día ou outros equipamentos de aloxamento temporal ou permanente aos que deban acudir por seren usuarios/as deles.
- c) Acudir a centros ou equipamentos do sistema de servizos sociais que, non tendo carácter de aloxamento, dispoñen de programas e/ou actividades ás cales acoden ou deban acudir por seren usuarios/as deles.

Sempre que estean cubertas as prioridades anteriores, exista dispoñibilidade de medios, e en todo caso, dentro do ámbito do catálogo de prestacións do servizo, este prestarase, así mesmo, para:

- a) Realizar as actividades básicas relacionadas coa vida diaria autónoma e co seu desenvolvemento persoal.
- b) Asistir a actividades de carácter educativo e formativo.

A prestación inclúe, así mesmo, a asistencia dun/ha monitor/a acompañante no vehículo, que será a persoa encargada de recoller o/a usuario/a no seu domicilio ou lugar de recollida e de apoialo durante o desprazamento.

#### **Artigo 5.-REQUISITOS DOS USUARIOS/AS.**

Os /as interesados/as en obter o recoñecemento da condición de persoa usuaria do Servizo de Apoio á Mobilidade Persoal para persoas con discapacidade e/ou dependentes deberán cumprir os seguintes requisitos:

- a) Estar empadroado no Concello de Arteixo.
- b) Ter recoñecida a situación de dependencia en calquera dos graos conforme a normativa aplicable e/ou recoñecido, tamén conforme a normativa que resulte de aplicación, un grao de minusvalidez igual ou superior o sesenta e cinco por cento.

#### **Artigo 6.-PERDA DA CONDICIÓ DE USUARIO/A.**

A condición de usuario/a do Servizo perderase por calquera das seguintes causas:

- a) Por deixar de cumprir os requisitos esixidos.
- b) Por vontade do usuario/a, manifestada por el mesmo ou por medio do seu representante legal.

Non obstante poderase solicitar un novo recoñecemento desta condición, segundo o procedemento establecido, de cumprirse de novo os requisitos esixidos.

## **Artigo 7.-DOCUMENTACIÓN ESIXIDA**

O procedemento para recoñecer a condición de usuario/a iniciase por solicitude do interesado ou do seu representante legal. Xunto coas solicitudes que se formalizarán segundo o modelo que se achega como ANEXO I, presentárase tamén a seguinte documentación:

- a) Copia do documento nacional de identidade do solicitante e do representante legal, se é o caso.
- b) Certificado de residencia.
- c) Certificado de recoñecemento do grao de minusvalidez e/ou dependencia.
- d) Informe dos servizos sociais de referencia da persoa solicitante ou de profesional habilitado para o efecto en que se certifique a imposibilidade da utilización de transportes colectivos.
- e) Copia da declaración do imposto sobre a renda das persoas físicas do exercicio inmediatamente anterior ao momento da solicitude ou, para o caso de non ter obriga de facer a declaración da renda, declaración responsable de todos os ingresos obtidos ao referido período e copia da documentación acreditativa deles.

As solicitudes tramitaranse, baremaranse e priorizaráanse no Centro de Servizos Sociais de Arteixo situado na rúa Ría de Noia nº 2, segundo a puntuación obtida aplicándose o seguinte baremo.

## **Artigo 8.-BAREMO DE APLICACIÓN**

- a) Por minusvalidez ou dependencia:
  - Atoparse nunha situación de gran dependencia: 100 puntos.
  - Ter recoñecido un grao de minusvalidez superior ao setenta e cinco por cento ou atoparse nunha situación de dependencia severa: 75 puntos
  - Ter recoñecido un grao de minusvalidez superior ao sesenta e cinco por cento e que non exceda do setenta e cinco por cento ou atoparse nunha situación de dependencia moderada: 30 puntos.
- b) Por razón de idade:
  - Ter cumpridos os oitenta e cinco anos: 30 puntos.
  - Ter cumpridos os setenta e cinco anos: 20 puntos
  - Ter cumpridos os sesenta e cinco anos: 10 puntos.

No caso de empate, concederáse preferencia aos solicitantes de maior idade.

Segundo este mesmo baremo elaboraranse listas de espera, se é o caso.

## **Artigo 9.-FINANCIAMENTO DO SERVIZO**

Os usuarios/as do Servizo deberán aboar unha contraprestación económica por cada desprazamento segundo o itinerario demandado, que terá a condición de prezo público.

Esta contraprestación determinarase aplicando ao custo real do servizo unha porcentaxe de desconto que será establecida na resolución que outorga a condición de usuario.

O custo real do servizo determinarase en función do número de quilómetros comprendidos no desprazamento demandado polo usuario/a. Para tales efectos, o prezo por quilómetro para o ano 2008 fíxase en 1.40 euros, cantidade que

será obxecto de actualización anual de conformidade coa normativa que resulte de aplicación.

### **Artigo 10.-APORTACIÓN DOS/AS USUARIOS/AS**

A determinación da porcentaxe de participación dos/as usuarios/as no financiamento do Servizo virá determinada pola capacidade económica persoal do solicitante de conformidade coa seguinte escala:

- a) Os/as usuarios cuns ingresos iguais ou inferiores ao 75% do indicador público de renda de efectos múltiples poderán facer uso do servizo con total gratuidade.
- b) Os/as usuarios/as cuns ingresos superiores ao 75% pero que non excedan do 125% do indicador público de renda de efectos múltiples asumirán ata un máximo do 25% do custo do servizo.
- c) Os/as usuarios/as cuns ingresos superiores ao 125% pero que non excedan do 175% do indicador público de renda de efectos múltiples asumirán ata un máximo do 50% do custo do servizo.
- d) Os/as usuarios/as cuns ingresos superiores ao 175% pero que non excedan do 250% do indicador público de renda de efectos múltiples asumirán ata un máximo do 75% do custo do servizo.
- e) Os/as usuarios/as cuns ingresos superiores ao 250% do indicador público de renda de efectos múltiples asumirán ata un máximo do 100% do custo do servizo.

A determinación das cantidades que pagarán os/as usuarios/as realizarase en función dos itinerarios demandados, do uso efectivo do servizo e a escala contida neste mesmo apartado.

Os usuarios/as efectuarán os pagamentos do prezo público do servizo nas entidades bancarias colaboradoras co Concello de Arteixo na conta de referencia que aparece reflexada no documento de pago.

Os usuarios quedan obrigados a facilitar aos órganos competentes toda a información económica, fiscal ou técnica que resulte necesaria para asegurar o cumprimento da finalidade da prestación e a continuidade das condicións de acceso e goce dela.

### **Artigo 11.-UTILIZACIÓN DO SERVIZO**

1. A prestación do servizo acomodarase, na medida do posible, á demanda de desprazamento do/a usuario/a, con independencia de que na determinación dos itinerarios se procure acadar a maior rendibilidade do servizo.
2. Cando os usuarios/as precisen a realización dun desprazamento que estea cuberto por este servizo, deberán comunicalo cunha antelación mínima, sempre que sexa posible, de corenta e oito horas.
3. A solicitude será analizada e priorizaránse as peticións do servizo recibidas, dando prioridade en caso de dúbida, ás solicitudes presentadas con maior antelación.
4. A comunicación da prestación do servizo ou a imposibilidade de realizalo efectuarase coa debida antelación de acordo coa natureza do servizo demandado.
5. Favorecerase o establecemento de rutas que posibiliten o traslado dun maior número de usuarios/as.

## **Artigo 12.-CARACTERÍSTICAS DO VEHÍCULO**

1. O vehículo ten as seguintes características técnicas: vehículo tipo combi de 9 prazas, adaptado mediante plataforma elevadora para cadeiras de rodas, cabina fixa, capó curto, teito elevado, entrada posterior con eixe dianteiro, porta do conductor e acompañante xiratorias, dúas portas xiratorias en parte traseira, calefacción regulable con ventilador de 4 posicións, piso con esterilla de amortiguación e goma antiesvarante preparada para colocar asento e para ampliación, guía de anclaxe para sillas adaptada, cinto de seguridade e montaxe.
2. No vehículo viaxarán nove persoas como máximo (incluído o conductor e o monitor/a acompañante).

## **Artigo 13.-REQUISITOS DO PERSOAL DO SERVIZO.**

O persoal conductor do vehículo estará en posesión do permiso de conducir que, de conformidade coa normativa vixente de aplicación, o habilite para a súa conducción.

O monitor acompañante deberá superación dun curso de especialización profesional nas áreas de servizos da vida diaria, de atención á dependencia ou de calquera outro de carácter semellante.

## **DISPOSICIÓN FINAL**

A presente modificación entrará en vigor logo do cumprimento do sinalado no artigo 49 da lei 7/1985, do 2 de abril de Regulamento das Bases de Réxime Local.



**XUNTA DE GALICIA**  
VICEPRESIDENCIA DA IGUALDADE E  
DO BENESTAR

ANEXO I

**Servizo Galego de Apoio á Mobilidade Persoal**

PROCEDEMENTO <b>RECOÑECIMENTO DE CONDICIÓN DE USUARIO/A DO SERVIZO GALEGO DE APOIO Á MOBILIDADE PERSOAL</b>	CÓDIGO DO PROCEDEMENTO <b>VP660A</b>	DOCUMENTO <b>SOLICITUDE</b>
--	---	--------------------------------

**DATOS DA PERSOA SOLICITANTE OU REPRESENTANTE LEGAL**

APELIDOS	NOME	DNI
ENDEREZO	LOCALIDADE	
PROVINCIA	CÓDIGO POSTAL	TELÉFONOS

**Representante legal ou gardador de feito (en caso necesario):**

DON/DONA	DNI	
ENDEREZO	LOCALIDADE	
PROVINCIA	CÓDIGO POSTAL	TELÉFONOS

RELACIÓN CO SOLICITANTE (Marcar cun X o que proceda)

PAI     
  NAI     
  REPRESENTANTE LEGAL     
  PERSOA ENCARGADA DO INTERESADO

Solicita ser incluído/a como usuario/a do Servizo Galego de Apoio á Mobilidade Persoal nos termos do Decreto \_\_\_\_/2007, do 13 de setembro da Xunta de Galicia, para o que acompaña a seguinte documentación:

COPIA DO DOCUMENTO NACIONAL DE IDENTIDADE DO SOLICITANTE E DO REPRESENTANTE NO SEU CASO  
 CERTIFICADO DE RESIDENCIA  
 SE É O CASO, CERTIFICADO DO RECOÑECIMENTO DO GRAO DE MINUSVALIDEZ E/OU DA DEPENDENCIA  
 INFORME DOS SERVIZOS SOCIAIS DE REFERENCIA DA PERSOA SOLICITANTE OU DO PROFESIONAL HABILITADO PARA O EFECTO, NO CAL SE CERTIFIQUE A IMPOSIBILIDADE DA UTILIZACIÓN DE TRANSPORTES COLECTIVOS  
 COPIA DA DECLARACIÓN DO IMPOSTO SOBRE A RENDA DAS PERSOAS FÍSICAS DO EXERCICIO INMEDIATAMENTE ANTERIOR AO MOMENTO DA SOLICITUDE OU, PARA O CASO DE NON TER OBRIGA DE FACER DECLARACIÓN DA RENDA, DECLARACIÓN RESPONSABLE DE TODOS OS INGRESOS OBTIDOS NO REFERIDO PERÍODO E COPIA DA DOCUMENTACIÓN ACREDITATIVA DELES

Quen abaixo asina DECLARA QUE: todos os datos contidos nesta solicitude e nos documentos que se xuntan son verdadeiros, non existindo omisión de datos.

Que autoriza a Vicepresidencia da Igualdade e do Benestar para que realice as consultas necesarias de ficheiros públicos para os efectos de comprobar a veracidade dos datos declarados, recadar os recoñecementos de minusvalidez ou dependencia efectuados na Comunidade Autónoma de Galicia e obter directamente e polos medios telemáticos da Axencia Tributaria a información tributaria correspondente, relativa ao imposto sobre a renda das persoas físicas.

<p>LEXISLACIÓN APLICABLE</p> <p><i>Decreto 195/2007, do 13 de setembro, polo que se regula o Servizo Galego de Apoio á Mobilidade Persoal para persoas con discapacidade e/ou dependentes.</i></p> <p>PROTECCIÓN DE DATOS DE CARÁCTER PERSOAL</p> <p>Consonte o disposto na Lei orgánica 15/1999, do 13 de decembro, de protección de datos de carácter persoal, os seus datos serán tratados de xeito confidencial e poderán ser incorporados ao ficheiro de persoas usuarias do Servizo Galego de Apoio á Mobilidade Persoal. En calquera momento poderá exercer os dereitos de acceso, cancelación, rectificación e oposición comunicándoo á correspondente delegación provincial da Igualdade e do Benestar.</p> <p>SINATURA DO/A SOLICITANTE OU DO SEU REPRESENTANTE LEGAL OU GARDADOR DE FEITO, SE É O CASO</p> <p>_____, de _____ de _____</p> <p>Vicepresidencia da Igualdade e do Benestar en _____</p>	<p>(Para cubrir pola Administración)</p> <table border="1"> <tr> <td>RECIBIDO</td> <td>NÚMERO DE EXPEDIENTE</td> </tr> <tr> <td>REVISADO E CONFORME</td> <td>DATA DE ENTRADA</td> </tr> <tr> <td></td> <td>DATA DE EFECTOS</td> </tr> <tr> <td></td> <td>DATA DE SAÍDA</td> </tr> </table>	RECIBIDO	NÚMERO DE EXPEDIENTE	REVISADO E CONFORME	DATA DE ENTRADA		DATA DE EFECTOS		DATA DE SAÍDA
RECIBIDO	NÚMERO DE EXPEDIENTE								
REVISADO E CONFORME	DATA DE ENTRADA								
	DATA DE EFECTOS								
	DATA DE SAÍDA								

As solicitudes debidamente cubertas presentaranse, en calquera momento do ano, no rexistro da delegación provincial da Igualdade e do Benestar da provincia de residencia ou ben por calquera outro dos medios previstos no artigo 38.4º da Lei 30/1992, do 26 de novembro, de réxime xurídico das administracións públicas e do procedemento administrativo común.